

心香熱起唱行香真樂真閑興味長便覺眉頭無利鎖何愁身上有名韁 昔年曾作肥家子今日還爲出舍郎到此逍遙常自在哩唻哩囉又何妨

贈眾道契

修行何處用功夫馬劣猿顛速剪除牢捉牢擒生五彩暫停暫住免三塗 稍令自在神丹漏略放從容玉性枯酒色氣財心不盡得玄得妙恰如無

又

道人財色酒雖無一點無明著甚除惡念不生歸瑩素觸來勿競證元初 我人起處愁無極煙火消時樂有餘欲學神仙須

道藏輯要

漸悟集

至

胃集七

忍辱莫交燒了那真如

聞鄉人來到以詞聊代家書

斬釘截鐵不思家永絕狐疑永棄家足履白雲尋羽客杖挑明月訪仙家 鄉中園館非吾宅物外蓬瀛是我家自在逍遙無宿慮何須重話舊時家

又

人人學道總勞勞箇箇心高志不高煙火靡除生怨惡塵情不斷起貪饕 欲搜玄妙消三業猛向根芽下一刀常淨常清常忍辱無爲無作列仙曹

又

昔年常被利名枷苦海波中喜戴枷堂下兒孫如玉柱眼前妻  
妾似金枷 至迷馬鈺因何悟得遇風仙便脫枷閑裏尋閑得  
閑趣如今甯肯復投枷

又

勸人休要問前緣但肯回頭是宿緣不想浮生難猛悟稍知虛  
患近良緣 無心入道須無分有意投玄是有緣自古神仙皆  
出離在家怎得好因緣

又

風仙風害得真風留下家風要害風通密邱仙能繼踵山侗馬  
鈺應扶風 勸人休作夢中夢學我能尋風裏風或問風因親

道藏輯要

漸悟集

至

胃集七  
川。八

說破投玄遠俗做心風

贈斗門李公

不須遠遠遠尋師自是神仙自是師真淨真清真至理至微至  
妙至真師 愛憎不盡難求道人我仍存枉拜師你意不能隨  
我意我心怎做你心師

又

秦川勝景果非常最好終南珍藏鄉竹徑梅溪生秀氣鳳巢龍  
窟吐祥光 雲菴處處成雲集道友多多論道長劉蔣村名今  
改變人人傳說會仙莊

遇仙槎